



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 422  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-428-4/25**

Datum: **07.11.2025. godine**

„Agencija za vodno područje rijeke Save“ Sarajevo rješavajući po zahtjevu korisnika JKP „Kostajnica“ d.o.o. Kreševo, za izdavanje vodne dozvole za zahvat vode na izvorištu „Kostajnica“ i izvorištu „Ščona“, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Općine Kreševo, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06) i člana 200 stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

**R J E Š E N J E**  
**o vodnoj dozvoli**

1. Daje se vodna dozvola podnosiocu zahtjeva JKP „Kostajnica“ d.o.o. Kreševo, za zahvat vode na izvorištu „Kostajnica“ u količini od cca  $Q=12,00$  l/s i izvorištu „Ščona“ u količini od cca  $Q=8,50$  l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Općine Kreševo.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
  - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
  - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem mjerača protoka-vodomjera ugrađenog na dolaznoj cijevi u rezervoar „Meljine“, proizvođač: Baylan, tip: W-4 087295. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
  - 2.3. Da obezbijedi tehničku ispravnost ugrađenog mjernog uređaja za evidentiranje zahvaćenih količina vode, opreme na postrojenju za kloriranje kao i na objektima transportnog sistema (pumpe, vodomjeri, zatvarači itd.), odnosno da redovno vrši baždarenje mjerača protoka u skladu sa propisima o mjernim uređajima.
  - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
  - 2.5. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, spriječiti moguće isticanje hlora i drugih komponenti iz objekta. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
  - 2.6. Da korisnik osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće („Službeni glasnik BiH“, 40/10, 43/10, 30/12 i 62/17).
  - 2.7. Da kontrolu ispitivanja kvaliteta vode za potrebe vodosnabdijevanja vodom za piće mogu vršiti ovlaštene laboratorije, u skladu sa članom 48 stav 3. Zakona o vodama.
  - 2.8. Da se, ukoliko se prilikom redovnih ili vanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
  - 2.9. Da se stalno sprovode mjere o zaštiti izvorišta po Odluci o zaštiti izvorišta vode za piće „Kostajnica i Ščona“, broj: 01-02-2373/14 od 29.12.2014. godine i Odluci o izmjeni i dopuni Odluke o zaštiti

- izvorišta vode za piće „Kostajnica i Šćona“, broj: 01-02-616/15 od 28.03.2015. godine donesene od strane Općinskog vijeća Kreševo.
- 2.10. U cilju najstrožije kontrole prostora na kome su smješteni vodozahvatni objekti-kaptaže, skladišni i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Kostajnica“ i „Šćona“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
  3. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
  4. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
  5. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
  6. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
  7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
  8. Za izgradnju novog ili rekonstrukciju ili uklanjanje postojećih objekata te promjenu uslova zahvatanja vode, ako bi se time uticalo na promjenu kvaliteta i kvantiteta voda, odnosno, ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
  9. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

### Obrazloženje

JKP „Kostajnica“ d.o.o. Kreševo zahtjevom broj: 470-02/25 od 01.10.2025. godine koji je zaprimljen na protokolu Agencije 07.10.2025. godine obratio se ovoj Agenciji sa zahtjevom za izdavanje rješenja o vodnoj dozvoli za zahvatanje vode sa izvorišta „Kostajnica“ u količini od cca  $Q=12,00$  l/s i izvorištu „Šćona“ u količini od cca  $Q=8,50$  l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Općine Kreševo.

Uz zahtjev dostavljena je sljedeća dokumentacija:

- Aktuelni izvod iz sudskog registra, broj: 051-0-RegZ-25-000774 od 23.04.2025. godine izdat od strane Općinskog suda u Travniku – ovjerena kopija,
- Uvjerenje o poreznoj registraciji od 02.03.2022. godine izdato od strane Kantonalnog poreznog ureda Novi Travnik – kopija,
- Uvjerenje o registraciji/upisu u Jedinствeni registar obveznika neizravnih poreza broj:04/1-17-1-UPJR/1-1976-2/22 od 25.03.2022. godine izdato od strane Uprave za indirektno-neizravno oporezivanje Bosne i Hercegovine - kopija,
- Rješenje, broj: 06-23-194-2 od 27.10.2003. godine izdato od strane Službe za katastar i imovinsko-pravne poslove općine Kreševo – kopija,
- Odluka o davanju vodoopskrbnih objekata na upravljanje, broj: 01-02-1662/13 od 17.09.2013. godine izdata od strane Općinskog Vijeća općine Kreševo- kopija,
- Ugovor o koncesiji za korištenje vode za potrebe javnog vodosnabdijevanja naselja u Općini Kreševo, broj: 05-25-787/2010-5 od 21.03.2013. godine potpisan sa Ministarstvom šumarstva, poljoprivrede i vodoprivrede Srednjobosanskog kantona – kopija,
- Aneks 1. Ugovora o koncesiji, broj: 05-25-787/2010-5 od 15.12.2015. godine potpisan sa Ministarstvom šumarstva, poljoprivrede i vodoprivrede Srednjobosanskog kantona – kopija,

- Odluka o zaštiti izvorišta vode za piće „Kostajnica i Šćona“, broj: 01-02-2373/14 od 29.12.2014. godine donešena od strane Općinskog Vijeća općine Kreševo – kopija,
- Odluka o izmjeni i dopuni Odluke o zaštiti izvorišta vode za piće „Kostajnica i Šćona“, broj: 01-02-616/15 od 28.03.2015. godine donešena od strane Općinskog vijeća Kreševo – kopija,
- Opći akt o održavanju, korištenju i osmatranju vodoprivrednih objekata, broj:229-02/20 od 09.11.2020. godine izrađen od strane JKP „Kostajnica“ d.o.o. Kreševo,
- Izvještaji o mikrobiološkom ispitivanju vode, brojevi:12837/25, 14726/25, 11542/25 svi iz 2025. godine urađen od strane J.U. Zavod za javno zdravstvo Kantona Sarajevo – kopije,
- Izvještaji o ispitivanju vode za piće, brojevi: 4347/24, 4351/24 oba iz 2024. godine urađeni od strane Zavoda za javno zdravstvo SBK/KSB Travnik – kopije,
- Rješenje o vodnoj dozvoli, broj:UP-I/25-3-40-479-6/20 od 13.11.2020. godine izdato od strane Agencije za vodno područje rijeke Save, Sarajevo – kopija,
- Garancijski list izdat od strane Hidro-Termo Centar d.o.o. Sarajevo za ugrađeni mjerač protoka, Baylan, tip BW-4 wotlmat DN 150 od 22.07.2022. godine – kopija,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-428-2/25 od 03.11.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- J.K.P. „Kostajnica“ d.o.o. Kreševo vrši vodoopskrbu stanovništva na području Općine Kreševo putem gradskog vodovodnog sistema sa više lokalnih izvorišta. Pravno lice je potpisalo Ugovor o koncesiji i Aneks 1. za korištenje vode za potrebe javnog vodosnabdijevanja naselja u Općini Kreševo sa Ministarstvom šumarstva, poljoprivrede i vodoprivrede Srednjobosanskog kantona.
- Izvorišta „Kostajnica“ i „Šćona“ distributivnom mrežom pokrivaju teritoriju Općine Kreševo. Ukupni procijenjeni kapaciteti izvorišta iznose cca 20,00 l/s. Prosječno-procijenjena izdašnost izvorišta „Kostajnica“ iznosi cca 12,5 l/s, a „Šćona“ cca 8,00 l/s. Sa ovih izvorišta vrši se vodosnabdijevanje cca 520 domaćinstava tj. 1420 stanovnika i cca 50-tak privrednih subjekata. Kaptaze izvorišta su jasno označene i adekvatno ograđene i zaključane.
- Zahvaćena količina vode iz kaptaze izvorišta „Kostajnica“ gravitaciono se spušta do kaptaze „Šćona“. U toj kaptazi se vrši miješanje ovih voda i putem primarnog dovodnog cjevovoda gravitaciono odvode do glavnog rezervoara „Meljine“, zapremine  $V=500 \text{ m}^3$  ( $2 \times 250 \text{ m}^3$ ). U rezervoaru se vrši klorisanje vode. Ugrađen je jedan gravitacioni klorinator kapaciteta 30 l. Na dolaznoj cijevi u rezervoar ugrađen je vodomjer koji je u funkciji.
- Skladištenje klora vrši se u magacinu u prostorijama JKP „Kostajnica“ Kreševo.
- JU „Dom zdravlja“ Kreševo svakodnevno prati koncentraciju klora u vodovodnoj mreži. Zavod za javno zdravstvo Kantona Sarajevo - Ilidža kontrolise higijensku ispravnost vode i analizira jedan puta mjesečno iz vodovodne mreže. Osim navedene dinamike (mjesečne analize), kontrolise se i higijenska ispravnost vode za piće u skladu sa epidemiološkom situacijom.
- U prethodnom periodu (važenja Rješenja o vodnoj dozvoli) JKP „Kostajnica“ d.o.o. Kreševo nije vršilo rekonstrukciju ili uklanjanje postojećih objekata i postrojenja, nije vršilo promjenu uslova zahvatanja vode u zoni vodozahvata „Kostajnica“ i „Šćona“, nije vršilo rekonstrukciju vodovodne mreže niti izgradnju ili rekonstrukciju (novog) rezervoarskog prostora.
- Količina zahvaćene vode vrši tj. mjerenje iste se obezbjeđuje putem mjerača protoka-vodomjera ugrađenog na dolaznoj cijevi u rezervoar „Meljine“, proizvođač: Baylan, tip: W-4, DN 150, tvornički broj:123059.
- U toku važenja prethodnog rješenja o vodnoj dozvoli nije bilo vanrednih situacija niti je izvorište bilo izvan upotrebe.
- U skladu sa zahtjevima iz Rješenja o vodnoj dozvoli, broj: UP-I/25-3-40-479-6/20 od 13.11.2020. godine izdatog od strane Agencije za vodno područje rijeke Save, Sarajevo pravno lice:
  - vrši mjerenje količina zahvaćenih voda i o tome vodi evidenciju na propisanim obrascima, te podatke o tim mjerenjima unosi u propisane mjesečne izvještaje i iste redovno dostavlja Agenciji,
  - vrši stalni i sistematski pregled vode od strane ovlaštene laboratorije, vrši stalnu dezinfekciju vode hlorisanjem kao i kontrolu rezidualnog hlora u gradskoj mreži,

- ograda oko kaptažnih objekata je ponovo izgrađena, ograđeni prostor je pod ključem i po potrebi se vrši obilazak istog,
- u toku je procedura nabavke i ugradnje novog digitalnog mjerača protoka,
- propisane mjere zabrane i ograničenja se na terenu uglavnom provode. Najveća opasnost za pogoršanje kvantitativno-kvalitativnih karakteristika vode dolazi od strane nekontrolisane sječe šume u podslivnom području.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP „Kostajnica“ d.o.o. Kreševo, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66., i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP „Kostajnica“ d.o.o. Kreševo ispunio minimum uslova za izdavanje vodne dozvole za zahvat vode na izvorištima „Kostajnica“ i „Šćona“ u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Općine Kreševo, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).


### Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Po ovlaštenju  
Rukovodilac Sektora za izdavanje vodnih akata

  
Nihad Pezo, dipl.inž.građ.

Dostaviti:

- JKP „Kostajnica“ d.o.o. Kreševo, Ul. Fra Grge Martića 143, 71260 Kreševo,
- AVP-ISV-Vodna knjiga,
- Sektor 50,
- Sektor 40, arhiva,
- oglasna ploča – AVP Sava